

Aruba no por sigui tolera entreguismo: Watty, Henny y Mito mester entrega nan retiro



ORANJESTAD(AAN) Ministranan cu no por para pa nan palabranan, no merece di ta den gobierno y menos den parlamento pasobra pueblo no por depende riba politiconan cu ta engaña pueblo den dia cla.

Pueblo no por depende riba ministranan cu awe ta bisa B, pero un dia prome nan a entrega A caba na cualkier poder agencio.

Pueblo no por depende riba ministranan "debil" pasobra tipo di hendenan asina mester percura pa scapa nan pejejo prome y interes di pueblo pa nan ta na di dos lugar, si no na di ultimo lugar.

Pueblo no por depende riba politiconan cu den campaña ta priminti cu nan ta sali na interes di pais Aruba y una vez cu nan drenta den gobierno, nan ta haci lo contrario.

Ministro Watty Vos a bisa cu mientras cu e ta ministro di Husticia ningun Arubiano por worde extradita!

Prome Ministro Henny Eman a bisa cu mientras e ta Prome Ministro di Aruba ningun hende por worde extradita sin mas!

Ministro Pleni Potenciarario kende mester a percura pa defende interesnan di pais Aruba na Hulanda den Consejo di Ministro di Reino, a bisa cu tin garantianan suficiente pa esnan cu mester worde extradita!

Watty Vos mester entrega su retiro como ministro pasobra extradicion a tuma lugar mientras cu e ta ministro y el a bisa cu mientras cu e ta ministro esaki no por tuma lugar.

Henny Eman tambe mester entrega su retiro pasobra e tambe a bisa cu voz halto cu mientras cu e ta Prome Min-

istro extradicion no por tuma lugar: e tambe mester bay!

Mito cu a haci nada otro cu entrega na Hulanda loke su amo Henny tabata dicta pe tambe mester bay pasobra pueblo a harta di su gñamen-tonan.

Partido OLA ta bay sinta cu e batata cayente pa forma un gobierno cu AVP pasobra Ni Watty Ni Henny y menos Mito por bay forma parti di cualkier gobierno den futuro, despues cu nan a percura pa

extradicion di Arubianonan diasabra ultimo tabata un hecho.

Ni Glenbert, ni Lili por bay sinta den un gobierno nobo cu e tres entreguistanan mayor di AVP: Watty, Henny y Mito.

Kico OLA por spera di e hendenan aki?

Mescos cu nan a sinta gaña OLA y a haci todo por todo pa caba cu OLA y pone tur atencion negativo riba tur

proyecto di OLA, peor nan lo bay haci si nan bolbe haya chance pa bay goberna pais Aruba.

Glenbert lo ta complice di entreguismo si e mester bay sinta den cualkier gobierno cu Watty, Henny y Mito.

Sinbad kier paga solamente 50 mil pa uzo di stadion

ORANJESTAD(AAN) Despues di entreguismo y a percura pa extradita e prome yiunan di tera, ata AVP kier kita tambe e poco placa cu Lotto ta haya pa Sinbad uza stadion Guillermo Prospero Trinidad pasobra ta solamente 50 mil florin nan kier paga pa e stadion.

Ta un berguensa grandi cu e festival Sinbad cu ta genera placa na grandi y despues cu ya caba nan a tarda asina hopi pa paga biaha pasa, awor nan kier haya e stadion casi gratis tambe, si no fono.

Otmar Oduber a pega barco formal cu insultonan pa cu pueblo di San Nicolas door di bay bisa cu San Nicolas no ta safe pa tene e festival y esaki a pone e pueblo di Pariba di Brug bira raso.

Awor ta henter Aruba ta bira raso ora cu pueblo tende

cu Sinbad kier paga solamente 50 mil florin pa uza stadion.

Sinbad ta haya casi tur cos regala caba na Aruba y riba dje cada biaha e suma cu nan mester paga na Lotto mester baha tambe?

Esaki si a bira dimas y awor a bira tempo cu gobierno su ministranan responsabel mester bay duna cuenta na pueblo di loke ta pasando.

Segun informacionnan cu DIARIO a haya, Lotto a laga sa caba na ministro Beke cu si gobierno sigui pone presion riba nan pa cu uzo di e stadion na prijs di baca flaco, anto Sinbad cu gobierno y tur por bien lubida pasobra Fundacion Lotto pa Deporte no ta bay regala e stadion pornada na Sinbad o cualkier ministro cu kier abusa.

YOU BELIEVE ONLY PLAYA PEOPLE DRECHI!!

